

Imm. 3.1 Teknikkeqarnermut Avatangiisinullu ataatsimiititaliamut apriliimut aningaasaqarnermut nalunaarusiaq – Ingerlatsinermi sanaartornermilu suliat.

Journalnr. 06.01.02

06-05-2024 tikillugu naatsorsuutitut ikkussisoqarsinnaalluni atuiffilersuinertalimmik 2024-mi apriliimut aningaasaqarnikkut nalunaarusiaq naatsorsugaavoq. Tigulaakkat 06-05-2024-meersuupput. Sanaartornermut aningaasaliissutitut 2023-mit 2024-mut nuussineq KB 02.24-mi akuersissutigineqarpoq, nuussineq suli ikkunneqanngilaq taamaattumillu nalunaarusiami matumani sanaartornermut aningaasartuutit ilanngunneqaratik.

Ingerlatsinermit kisitsit pingaarnerit

Teknikkeqarnermut Avatangiisinullu immikkoortortami ingerlatsinermit immikkoortoq 114 procentinik aningaasannorlugulu 11,4 mio. koruuninik atuinermit takutitsivoq.

Ingerlatsinermit immikkoortumut akiligassiissutit suli akilerneqanngitsut 1,2 mio. koruuninik annertussuseqarput.

Maniitsumi 563030100 aamma Sisimiuni 562040100 kalaalimineerniarfinnit isertitanut missingersuutitut kiisalu Maniitsumi 563030700 aamma Sisimiuni 562040700 eqqagassalerinermit anartarfilerinerimullu kiisalu Sisimiuni Maniitsumilu ikuallaaviit 562040300 kiisalu 563030600 isertitanut piffissalersuisimanninneq annertuumik atuinermit takussutissiipput, taakkuli ukiup ingerlanerani inissisimalluarnerulissallutik.

Sisimiuni ikuallaavimmut atuiffik 562040300 piviusumik 1 mio. koruuninik missingersuutitut qaanneqqavoq.

Level1	ÅTD Førrige År	ÅTD Sidste År	ÅTD I År	Forbrugs %	Relativt Forbrugs %	OPR Budget	OMP	TB	Nyt Budget	Rest Budget
☐ Teknik Udvalg	11,105,874	11,777,079	11,687,327	38.96 %	116.87 %	32,130,122	-2,129,000		30,001,122	18,313,795
☐ Brandvæsen	1,324,595	1,911,579	1,741,812	38.06 %	114.17 %	4,577,081			4,577,081	2,835,269
☐ Planafdelingen	72,947	293,679	40,184	7.04 %	21.12 %	570,877			570,877	530,693
☐ Teknik Maniitsoq	5,043,792	4,345,750	4,324,541	42.30 %	126.90 %	10,223,824			10,223,824	5,899,283
☐ Teknik Sisimiut	4,664,540	5,226,071	5,580,791	38.15 %	114.44 %	16,758,340	-2,129,000		14,629,340	9,048,549
Total	11,105,874	11,777,079	11,687,327	38.96 %	116.87 %	32,130,122	-2,129,000		30,001,122	18,313,795

Ingerlatsinermit Teknikki Sisimiut

Sisimiuni ikuallaavimmut atuiffik 562040300 piviusumik 1 mio. koruuninik missingersuutitut qaanneqqavoq, januaarip februaarillu qaammataani ikuallaavimmi unittooqanermik peqquteqartuumik.

Teknikqarnermut ataatsimiititaliap ataatsimiinnera 8 april 2024 TA 04.24 - Imaqarniliaq

Level1	ÅTD Forrige År	ÅTD Sidste År	ÅTD I År	Forbrugs %	Relativt Forbrugs %	OPR Budget	OMP	TB	Nyt Budget	Rest Budget
☐ Teknik Udvalg	4,664,540	5,226,071	5,580,791	38.15 %	114.44 %	16,758,340	-2,129,000		14,629,340	9,048,549
☐ Teknik Sisimiut	4,664,540	5,226,071	5,580,791	38.15 %	114.44 %	16,758,340	-2,129,000		14,629,340	9,048,549
☐ 561010000 - SIS Teknik og Miljø Stab	9,705	77,213	19,910	16.40 %	49.20 %	121,393			121,393	101,483
☐ 562040100 - SIS Brædtet - Qimatulivik	39,525	-40,239	269,265	131.66 %	394.99 %	204,511			204,511	-64,754
☐ 562040200 - SIS Entreprenørplads	6,968	42,117	12,691		Infinity					-12,691
☐ 562040300 - SIS Forbrændingsanlæg	-171,208	1,040,381	1,147,113	-67.75 %	-203.25 %	-1,693,188			-1,693,188	-2,840,301
☐ 562040500 - SIS Arealtildeling	-1,060,309	-2,440,678	-54,500	23.89 %	71.66 %	-228,147			-228,147	-173,647
☐ 562040700 - SIS Renovation	-284,853	110,686	-201,281	12.25 %	36.76 %	-1,642,799			-1,642,799	-1,441,518
☐ 562040800 - SIS Drift TEKNISK	6,124,174	6,435,181	4,411,759	25.14 %	75.42 %	19,677,313	-2,129,000		17,548,313	13,136,554
☐ 562040901 - Sis Huse administreret af Teknik	538	1,411	-24,167	-7.57 %	-22.71 %	319,257			319,257	343,424
Total	4,664,540	5,226,071	5,580,791	38.15 %	114.44 %	16,758,340	-2,129,000		14,629,340	9,048,549

Akissarsianut aningaasartuutit:

Akissarsianut aningaasartuutit atuinermik 109,3 procentimik takutitsivoq. Qaammammusalinnut sulisut amerlassusiligaaneranni akuerisaasumi missingersuuteqannginnera nikinganermik pilersitsisuuvoq. Tassunga ilaalluni ilinniagartuunut akissarsiaqarnermut isuamqatigiissummik nutarterinermik nalimmassaarutitik tunniussisoqarnikuuvoq.

Sisimiuni Teknikkimi akunnermusialinnut akissarsianut tunngatillugu nikingassut sisorartarfimmi, aputaajaasarnermi kuuffissuarnillu ingerlatsinerup iluani ukiup ingerlanerani piffissap ilaanut qaangiuttoornermusianik tunniussinermik patsiseqarpoq.

Level1	ÅTD Forrige År	ÅTD Sidste År	ÅTD I År	Forbrugs %	Relativt Forbrugs %	OPR Budget	OMP	TB	Nyt Budget	Rest Budget
☐ Teknik Udvalg	15,287,978	15,623,187	16,438,566	36.43 %	109.30 %	42,992,262	2,129,000		45,121,262	28,682,696
☐ Brandvæsen	2,147,217	2,191,099	2,122,231	31.24 %	93.71 %	6,794,051			6,794,051	4,671,820
☐ Teknik Maniitsoq	4,587,552	4,525,513	5,027,034	34.49 %	103.48 %	14,574,048			14,574,048	9,547,014
☐ Teknik Sisimiut	8,553,209	8,906,574	9,289,300	39.11 %	117.32 %	21,624,163	2,129,000		23,753,163	14,463,863
Total	15,287,978	15,623,187	16,438,566	36.43 %	109.30 %	42,992,262	2,129,000		45,121,262	28,682,696

Sanaartornermik ingerlatsinerit

Sanaartornermut missingersuutaasunit 06-05-2024-mi 18 mio. koruuninik atuisoqarnikuuvoq.

Sisimiunut tunngatillugu 2024-mi apriliimi sanaartornermik atortulersuutinullu suliat angisuut killiffii tassaapput:

Sarfannugani illu tamatigoortoq, atortussat tamarmik Sarfannuganut assartorneqareerput, sanaartukkamillu inaarsaaneq aallartinneqarpoq.

Akiani kommunip pilersaarusiordfigineqarnerani tapiliussap 39-p kuuffissuarnut, imermut, innaallagissamut aqqutinut kiisalu aqqusinermi qullersuarnut atatillugu sanaartorfissagissarneqarnera naammassivoq.

Aqquserngup nunallu naammassiniarnera ukiuunerani unikkallarpoq, aasamut suliarineqassaaq.

Ilinniartut ineqarfianni ungasianit kiassarnermik pilersitsivigineqarluni Nukissiorfinnit

sanaartorfissagissaasoqarpoq. Ungasianit kiassarnermut aqqutit matuneqarpata aqqusinermi qullilersuisoqassaaq.

Kunuuteralap Aqq. & Jaakunnguup Aqq. aamma Ukaliliup kangiutungaani kuuffissuit nutaat ukiuunerani uninngagallarput aasamullu inaarsarneqassallutik. Jaakunnguup Aqq.-taani maqitsiviit maqitsissutillu

naammassipput sarfamillu atuinermut uuttuutip illuarartassaa napparneqarluni, aasamullu kuuffissuit sinnerinik pilersitsinikkut naammassineqassalluni.

Qivittoqarfik aamma Mukkup Aqq. naammassineqarput, nunamik suliaqarnerit aasamut inaarsarneqassapput.

Kangerlussuarmi utoqqarnut inissianut tullinnguuttunut marluusunut immikkoortoq 2-mut atuisinnaanermik akuerissummik tunniussioqarnikuuvoq tunniussinissarlu ingerlanneqalerluni.

ATV-nut aqut Sisimiuniit imeqarfiup killeqarfia aqqusaarlugu Kangerluarsuk tullermut immikkoortoq 2-mi 8 km-inik tikinneqarpoq ukiuuneranilu uninngagallarluni, suliaasaq marsimut/apriilimut

aallarteqqinneqarsinnaanissaa naatsorsuutigineqarpoq.

Sisimiut - Kangerlussuaq aqqusinermik sioraasumik pilersaarusiordermut pilersaarutitut siunnersuut ingerlanneqarpoq. Nunap assinganik atortunik pitsanngorsaansamut dronellu atorlugit Geoteknik-imik

misissueqqaarnermut naatsorsuinerit naammassineqarput nalunaarusiornerlu ingerlanneqarluni.

Kulturikkut illorsuaq Nipilersornermik ilinniartimmik aamma Atuakkanik atorniartarfilerlugu allineqarnera naammassivoq, 2023-milu aggustip naanerani atorneqalereerluni. Aqquserngup appakaaffissap

asfalterneqarnissaa aammalu toqqavimmik kusassaanissaq upernaamut aput aappat naammassineqassaaq.

Siusinnerusukkut atuartut angerlarsimaffianni / Misi allaffiani B-904-mi meeqqanut inuusuttunullu ulloq unnuarlu paaqqinnittarfik, illup iluani suliaasat aallartinneqarput.

Kommunip pilersaarusiordfigineqarnerani tapiliussaq 50 naapertorlugu Nalunnguarfiup kujataatungaani inissiaqarfimmik nutaamik sanaartorfissagissaaneq, siunnersuutitut atugassaq ataatsimiititaliamut

saqqummiunneqassaaq.

Sisimiuni arsaattarfik, siunnersortimik isumaqatigiissusiortoqareerpoq, misissueqqaarnerit ingerlanneqareerput.

Majuartaateqarfik Akia, atuisunut attaveqartoqareerpoq suleqatigiissitamillu pilersitsisoqarluni.

Siunnersortinik neqeroortitsineq aasamut neqeroortutigineqarnissaa naatsorsuutigineqarpoq.

Maniitsumut tunngatillugu 2024-mi februaarimi sanaartukkanut atortulersuutinullu annertunerusunut tullinnguuttunut killiffik:

Ungusivimmi sanaartorfissagissaanerit immikkoortoq 1 naammassineqarput, aqquserngup ingerlaarfiata naggataa illoqarfimmik tullissaanik asfalteqarnermut atatillugu 2025-mi asfalterneqassaaq.

Immikkoortumi inuusutissarsiorfeqarfimmi sanaartorfissagissaaneq (Immikkoortumi

inuussutissarsiorfeqarfimmut aqut Atortulersuutit ilanngullugit) suliniutigineqarpoq, suliamullu

missiliuteqarfiusut missingersuutinit qaffasinnerujussuupput.

Sarfat tungaannut aqutit affaa sinnilaarlugu naammassivoq, ukiuunerani uninngatikallarneqarpoq aasamullu naammassineqassalluni.

Unnuartuup ataatungaani Pelikaat eqqaanni kuuffissuarmik nutaamik pilersitsineq ingerlanneqarpoq, nunamik suliaqarnerit sinneri ukiuunerani uninngapput.

Immikkoortoq 3-mik aama 4-mik kuuffissuarnut neqeroortitsineq Teknikkeqarnermut ataatsimiititaliami suliarineqassaaq.

Kangaamiuni atuarfimmik nutarsaaneq, ulloq 24.03.2024-mi suliariumannittussarsiuussinermik ingerlatsisoqarpoq neqeroorummillu ataatsimik tigusaqarnermi isumaqatiginninniarnernik ingerlatsisoqarluni. Nutarsanermik suliniutip aallartisarneqarnera pillugu maajimi UT-p ingerlanneqarnissaanut suliamik saqqummiisoqassaaq.

Atuarfik Kilaaseeqqap nutarsarneqarnera allilernerqarneralu, suliniummut siunnersuut tiguneqarnikuuvoq. DGE-mit misissueqqinnermut tunngasutigut nalunaarutit tiguneqareerput suliarineqaleruttorlutillu.

Atammimmi inuusuttunut inissiat pingasut entreprenørimit aallartinneqarput, tassani illup iluani suliasat suliarineqarlutik. Entreprenøri atortussanik amigaateqarnikuuvoq maajillu naalernerani suliap tunniunnissaa naatsorsuutigalugu.

Bussinut inissiisarfissaq naammassillugu pilersarusiorneqareerpoq sanaartortunillu neqeroortitsisoqareerluni. Suliaq Teknikkeqarnermut ataatsimiititaliami suliarineqassaaq.

Sumiiffinni marluusuni, illuutit nutarterneqarnissaannut, sunngiffimmi silami sammisassaqartitsinermut, aalisartut piniartullu atugaannik pitsanngorsaanissamut kiisalu avatangiisinik pitsanngorsaanissamut sulinissamut aningaasat atugassiissutit atorlugit ingerlaavartumik sanaartornermik suliat ingerlanneqarput.

Innersuussut

Teknikkeqarnermut Avatangiisinullu immikkoortortap Teknikkeqarnermut ataatsimiititaliamut innersuussutigaa:

Teknikkeqarnermut, Pilersuineranut Sanaartornermullu 2024-mi apriilimut qaammammut nalunaarusiaq akuersissutigineqassaaq.

Aalajangiineq

Akuersissutigineqarpoq

Imm. 3.2 Kommunip pilersaarusionerfigineqarnerani tapiliussaq nr. 50 naapertorlugu sanaatorfissagissaanermut siunnersuutitut atugassiaq, Kussangasup Qoorua

Journal nr. 17.02 EPR P105 500068

Tunuliaqutaq

Kommunip pilersaarusionerfigineqarnerani tapiliussaq nr. 50 naapertorlugu Kussangasup Qooruanik sanaatorfissagissaanissamut pilersaarummik aallartitsisoqassasoq kommunalbestyrelsip ulloq 25.05.2023 akuersissutigivaa. *Nalunguarfiup kujataatungaani Immikkoortumik (suliniut 500388)* sanaatorfissagissaanermut *suliniut 500068 Sanaatorfissagissaanermut aningaasaliissutit-ataatsimoorussanit katillugit 26. mio. koruunit immikkoortinneqarput*. Taakkunanga pilersaarusionerqarnera ingerlanneqarnissaanut 1 mio. koruunit aammalu suliarineqarnissaata ingerlanneqarnissaanut 25 mio. koruunit immikkoortinneqarput.

Maleruagassatigut tunngavissaq

Immikkoortumik sanaatorfissagissaanissaq pillugu innersuussut, pisortat kuuffeqarfinnut aqqusersuutaat aamma pisortat aqqusiniutaat pillugit Inatsisartut inatsisaat nr. 16. 17. november 2010-meersoq naapertorlugu kommunip pilersaarusionerfigineqarnerani tapiliussaq nr. 50 suliarineqarnikuusumi ilaatinneqarpoq.

Pilersaarusionerq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-meersoq kingusinnerusukkut allannguutitalimmi § 46 imm. 2 naapertorlugu nunaminertanik atugassiinermut atatillugu sanaatorfissagissaanermut aningaasartuutitut aamma sanaatorfissanut sanaatorfissagissaanermut akiliutinik akiliisitsinissamut aningaasartuutinik kommuni akiliissaaq.

Pissutsit atuuttut

Kommunip pilersaarusionerfigineqarnerani tapiliussaq nr. 50 naapertorlugu siunnersuutitut atugassamik aamma suliniummumt siunnersuumik siunnersorti suliaqarnikuuvoq, tassani ilaqutariinnut ataatsinut illunik, illunik uiguleriiaanik quleriiaatullu sanaartukkatut ittunik inissianut sanaatorfissani agguataakkani inissianut 64-inut pilersaaruteqartoqarluni. Tassunga pilersaarutaasutut hotel 5000 kvm kiisalu illu sammisassaqaqtitsivik 1200 kvm annertussuseqartut ilanngunneqassapput.

Siunnersortip missiliuutaa C malillugu sanatorfissanut katillugit 21-usunut siunnersuummi sanaatorfissagissaanermut aningaasartuutit 32,8 mio. koruunit missarluinnaaniissapput (takuuk ilanngussaq 1). Missiliuut taanna siunnersuutitut atugassaq 1-imit aallaaveqarpoq (takuuk ilanngussaq 2-4) aammalu siunertamut aningaasaliissutaasunit 6,560 mio. koruunit aningaasaliissutaallutik, taamaattumik malitsigisaanik siunnersuutitut atugassiaq sipaaruteqarnissaq siunertaralugu malunnaatilimmik nutarterneqarpoq. Taamaaliornikkut siunnersuutitut atugassiaq aqquserngup ingerlaarfiatut (takuuk ilanngussaq 5) aamma aqquserngup ingerlaarfigisinnaasaatut periarfissalimmik nutarteriffigineqarpoq, taamaaliornikkut missiliuutip akia nutaaq 26,990 mio. koruunit annertussuseqalerluni, tassa imaappoq siunnersuutaqaartumut sanilliullugu 5,800 mio. koruunit sipaarutaallutik. Missiliuut C taanna nutartigaasoq kommunalbestyrelsip aningaasaliisutigisaanit 760.000 koruunit sipporlugit inissisimavoq.

Akiani illoqarfiup ilaani inissianut ilaqutariinnut ataatsinut illunut sanaatorfissat atorneqanngitsut pitsaasut 15 sinneqartut aamma illunut uiguleriiaanut (inissiat 100 missaani) sanaatorfissat 18 ilanngullugit sanaatorfissanik sanaatorfissagissareersunik piviusunngorteriaannarnillu amerlasuunik maannakkut peqartoqarpoq. Sisimiuni illoqarfiup ilaani ilaqutariinnut ataatsinut illunut sanaatorfissanik atorneqanngitsunik pitsaasunik sanaatorfissagissareersunik marlunnik kiisalu inissiatut quleriiaatut sanaatukkanut sanaatorfissanik marlunnik peqartoqarpoq. Taakku saniatigut Sisimiuni hotellinut siunertalinnut kiisalu inissiatut sanaartoqqinnissamut (suli sanaatorfissagissarneqanngitsut) sanaatorfissanik immikkoortitsisoqarepoq.

Teknikkeqarnermut Ataatsimiisitaliap ileqquusumik ataatsimiinnera UT 04.24, 08 maji 2024 - Imaqarniliaq

Atuilluartuunissakkut kingunerisinnaasai

Sanaartorfissat sulisoqarnikkut oqimaatusumik neqeroorutigineqarnerata aamma ingerlaavartumik ujtuisoqarnerata akornanni oqimaatigiissumik piviusorsiorlumillu pissutsit atuilluartuusumik pilersaarusiornermut oqariartaasiuvoq.

Allaffeqarfiup naliliinera

Sisimiuni Kangerluarsunnguup kujammut sammisortaani sanaartorfissat pillugit saaffiginnissutini amerlialagalluinnartunik 2020-2022-mi allaffeqarfik tigusaqarpoq, tamannalu Kommuniq pilersaarusiortigineqarnerani tapiliussa q nr. 50-imi illoqarfimmik alliliinermut tunngaviliisuvoq.

Ullumikkulli pisoq allaaneruvoq sanaartorfissanik nutaanik ujtaineq nalinginnaasumik appasilluni aammalu aningaasaliissartut aningaasarsiornermi ingerlanerlunnermiillutik. 2023 ingerlanerani realkreditlân-imi erniat qaffariapiloornikuupput, tamatumalu sanaartorfissat ilanngullugit sanaartornissanut nutaanut suliniutinut ujtaineq killeqartilernikuullugu. Ilutigitillugu Grønlandsbanken naliivoq, erniat qaffasissusaat maannakkut taamaatsillugit Sisimiuni pigineqatigiilluni inissiatileqatigiiffinnik amerlanerusunik pilersitsinissaq orniginanngitsoq kiisalu nammineq pigisatut inissianik annertunerusumik ujtuisoqarnikuunngitsoq.

Illoqarfiup immikkoortuani Akiani sanaartorfissanik orniginartunik atorneqanngitsunik pioreersunik peqartoqareerpoq aammalu Kommuniq pilersaarusiortigineqarnerani tapiliussami nr. 50-itigut sanaartorfissanik nutaanik sanaartorfissagissaanermi aningaasartuuteqarfiungaatsiortoq maannamut pisumut pisariaqanngitsutut nalilerneqarpoq, taamaattumillu aningaasaliinissamut piffissanut pitsaanerusunut aammalu tigussaasumik ujtuisoqarnerulernissanut kinguartinneqartariaqaraluartoq.

Aningaasaqarnikkut allaffissornikkulli kingunerisinnaasai

KB 30.09.2021-mut suliamik saqqummiussakkut nalunnguarfiup kujammut kangiatungaani immikkoortumik sanaartorfissagissaanissamut aningaasartuutissat 15,3 mio. koruuninut taggineqarput. Kommuniq pilersaarusiortigineqarnerani tapiliussamik nr. 50-imi akuersissuteqarnikkut sanaartorfissagissaanermi aningaasartuutinut naliliineq 26 mio. koruuninut qaffanneqarpoq, pilersaarutip sanaartorfissatigut annertunerulernera pissutaalluni.

Ukiuni kingullerni malunnaatilimmik akitigut qaffariaanernik aningaasat taakku naammagatillu akilersinnaanngillat, takuut missiliuut.

Ukiuni kingullerni sanaartorfissagissaanerni arlallit ajoraluartumik kommunimut akilersinnaasimannngillat aammalu akiliussigallarnernik malunnaatilinnik pilersitsinikuullutik ujtuisoqannginneranik peqquteqartumik piffissami qaninnerusumi isertinneqarsinnaanngitsuusut. Sapinngisamik sanaartorfissagissaanermi aningaasartuutinik matussusiinissaq qulakkeerneqarnissanut sanaartorfissagissaanermi aningaasartuutinik agguataariaatsimik nutaanik suliaqartoqassaaq. Inissiat hotellillu ilanngullugit tamarmik tunineqanngippata sanaartorfissat aningaasaqarnikkut amigartoornermik pilersitsissapput.

Innersuussut

Teknikkeqarnermut Avatangiisinullu immikkoortortaqaqarfiup Teknikkeqarnermut ataatsimiititaliamut, aningaasaqarnermut ataatsimiititaliamut kommunalbestyrelsimullu innersuussutigaa:

Kommuniq pilersaarusiortigineqarnerani tapiliussami nr. 50-imi suliniummut siunnersuut unitsinneqassasoq kommunillu pilersaarusiortigineqarnerata nutarterneqarneranut atatillugu piffissami kingusinnerusumi kommunip pilersaarusiortigineqarnerani tapiliussa q nutarterneqartinnagu neqeroorutissanngorlugu nassiunneqassanngitsoq.

Suliniunni pilersaarutaasutut sanaartorfissagissaanissamut 25 mio. koruuninik aningaasaliissutaasut pioreersut, Kommuniq pilersaarusiortigineqarnerani tapiliussat allat piviusunngortinniarnerinut

Teknikkeqarnermut Ataatsimiisitaliap ileqquusumik ataatsimiinnera UT 04.24, 08 maji 2024 -
Imaqarniliaq

attaveqaasersuutitut sanaartugassatullu suliniutitut soorlu sanaatorfissagissaanermut ittunut, soorlu
Kommunip pilersaaruserfigineqarnerani tapiliussaq nr. 83 Sisimiuni umiarsualiveqarfiup qiterisaqarfia-nut
atorneqassasut.

Aalajangiineq

Akuersissutigineqarpoq

Ilanngussaq

1. 2336_Missiliuut C
2. 2336 - A00.00 – Pilersaarummut takussutissiaq
3. 2336_KPT50 sanaatorfissagissaanissamut atugassatut siunnersuut
4. 2336_Aqquserngup ingerlaarfissaatut pilersaarummik takunnissinnaangortitsinerit
5. 2336_Aqquserngup ingerlaarfissaatut pilersaarummik takunnissinnaangortitsinerit_02
6. 2336_Missiliuut C_aqquserngup ingerlaarfissaatut periarfissaq
7. Grønlandsbanken-imit allakkiaq

Teknikkeqarnermut Ataatsimiisitaliap ileqquusumik ataatsimiinnera UT 04.24, 08 maji 2024 - imaqarniliaq

Immikkoortoq 3.3 Kommunip talittarfiutaanut iluarsartuussinissamut sanaartorfissagissaanermut aningaasartuutinit nuussineq

Journal nr.

Tunuliaqutaq

Imarsiornermik inuutissarsiuuteqartut Kommunalbestyrelsellu qissaateqarnerat aallaavigalugu, 2023-imi Kommunip pilersaarusiordfigineqarneranut tapiliussaq nr. 83; *Sisimiuni umiarsualivearfup qiterisaqarfia* -nut siunnersuummik saqqummiussaartoqarpoq.

Pilersaarut 2012-imiit 2024 tungaanut Kommunip pilersaarusiordfigineqarneranut ilaasussatut naatsorsuussaagaluarpoq 2024-imilu tusarniutigineqarluni, massakkulli Pilersaarutip Immikkoortua 003 Kommunip Pilersaarusiordfigineqarnerani 2024-2048 ilaasussatut suliarineqarpoq, kommunip pilersaarusiordfigineqarnerani nutarterinermut aamma Pilersaarusiordnermut inatsit nutaaq aallaavigalugu inaarsarneqarluni. Pilersaarutip Immikkoortua 003, 2024 aasaani naammassineqarnissaa naatsorsuutigineqarpoq, Sisimiuni umiarsualiveqarfiit tamakkiisumik pilersaarusiordfigineqarlutik.

Anginerusumik ingerlatsilluarnerusumillu umiarsualiveqarlernissaq, pilersaarutip imarisaasa pingaarnerit ilagaat, tassani kommunip umiarsualiviata aserfallassimasup nutarternissaa, Paaraarsummilu nunniornissaa taamaasilluni umiarsualiveqarnermi periarfissat tamakkiisut atorluarneqarnissaat siunertarineqarluni, inuutissarsiornermilu atuisunut soorlu aalisartunut, piniartunut aamma innuttaasunut iluaqutigineqarsinnaalissalluni.

2012-mi Sisimiuni kommuni talittarfiorpoq, tassani iluarsartuussinissamut missingersuutit annikitsuaqqat immikkoortinneqarsimallutik. Immikkoortitat aputaajaanermut akulikitsumillu saliinermut naammaannarput, taamaalilluni ukiut ingerlaneranni annerusumik iluarsartuussisoqarnissaa pisariaqalerluni. Talittarfiup annerusumik iluarsartuunnissaa pitsanngorsarnissaalu imarsiornermik inuussutissarsiortunit kissaatigineqarpoq, massakkumit annerusumit ukioq kaajallallugu Sisimiut kilisaatinit annernit usingiarfigissallugu atorneqarsinnaalissappat aasakkullu umiarsuarnit takornariutinit tikissallugu orniginartinneqartuassappat. Soorlu ESANI'p eqqagassanut umiarsuaa siunissamut qaammammut marloriarluni eqqakkanik usingiartalertussaasoq. Sisimiut siunissami kilisaatinik annernik ornigineqassaguni taava talittarfiup iluarsartuunneqarnissaa pisariaqarpoq, taamaalilluni suliffinnik pilersitsinikkut kommunimut tamat iluaqutaasumik aningaasarsiorfulissalluni.

Maleruagassatigut tunngavissaq

- Kommunip Karseqarnermut Naatsorsuuserinermullu malittarisassai.
- Umiarsualiviit pillugit Inatsisartut inatsisaat nr. 9, 3. juni 2015-imeersoq

Pissutsit atuuttut

2024-p ukiaani SIRIUS immap iluanit talittarfik misissorpaa, tassani paasineqarluni talittarfik anoder-inik manngertornaveersaatissanik amigaateqartoq, taakkulu mallinut assiaqtit manngertornaveersaataapput saviminermullu saaliornaveeqqutaasarlutik. Talittarfik ukiuni qulini siullerni manngertornaveersaateqarani piusinnaanera 2022-imi qaangiuppoq. Zink-anoder-inik ikkussuineq aqqartartunit annertuumik suliaasaavoq, talittarfiulli siunissami aserujaannerunissaanut sunniutaassaaq. Kingornalu anoder-it ukiut qulikkaarlugit aserfallatsaalineqartassallutik.

Immap qaani, tassa talittarfimmi silammut 20m tikillugu cementimik qalligaavoq, taannalu 2012-imi 1,7 mio. koruuneqarpoq. Ilorleq 7000m² ilitsiviusoq aamma 1400m² appakaaffik kiisalu biilnik inissiisarfik taamaallaat ujaraaqqanik qalligaapput. Cementimik qallerneqarnissaa inuussutissarsiortut ujartorpaat, containerinik nuutsissutit motorillit oqimaatsut ujaraaqqani ingerlasinnaanngimmata. Assersuutigalugu umiarsuarnit containerit qaleriiaarlugit

Teknikkeqarnermut Ataatsimiisitaliap ileqquusumik ataatsimiinnera UT 04.24, 08 maji 2024 - imaqarniliaq

inissinneqarsinnaanngillat, Kalmar-i nunaannarmi ingerlasinnaanngimmata. Aqqut ujaraaraasoq saligaatsuutinissaa ajornakusoorpoq, silalu panertillugu pujoralak aalisakkerivimmut teqqalatitsisarluni. Appakaaffik kommunip entreprenøriinit asfalterneqarsinnaavoq. Talittarfimmi ilitsivimmi motorillit ingerlasinnaassappata aqqut cementimik qallerneqassaaq, nalinginnaasumik motorillit containerinik ulikkaaqqasunik assartuisut oqimaattangaarmata assakaasut asfaltimi inissinnaammata.

Siunissami ESANI talittarfiup ilitsiviani eqqakkanik passusisarnissaanut ilitsivissaq tamakkiisumik atorneqarnissaa pisariaqalissaaq, ilitsivillu saligaatsuussappat mattusuumik qaaqassaaq.

Kiisalu allaffimmik oqartussaqaarfimmik, 525 kvm sanaartorfusinnaasumik, ilaatigut aalisarnermi nakkutilliinermut, usisanik tigusinermut nalunaarsuinermullu kommunip talittarfiani pisariaqartitsisoqarpoq. Ullumikkut kommunip umiarsualiviani nassiussassanik tigooraaveqannginnera peqqutigalugu, kilisaatit kommunip talittarfiani usingiartarnerat annikitsumik ingerlanneqartarpoq.

Aalisartunut piniartunullu umiarsualivimmi ilitsiviusut, 2015-imi piiarneqarput sumiiffiup sanaartorfissanngortsinneqarnerata kingornagut, taamaasillunilu umiarsulivimmut qanittumi ilitsiviusinnaasunik sullivinnillu sanaartorfusinnaasunik periarfissat kissaatigineqarlutik. Pilersaarutip immikkoortua 003 (KPT 83-itut qulequtaqarluni aallartittoq) piviusunngortinneqarsinnaavoq, Paaraarsuup kittaarlugu nunniornertigut, pilersaarummi 2200 kvm-erisut annertutigisumik ilitsiviusinnaasunik sulliviusinnaasunullu nunniorsinnaaneq periarfissiissutigineqarluni.

Atuilluartuunissakkut kingunerisinnaasai

Talittarfik 56,5 mio. koruuninik sanaartornermut akeqarpoq kingornalu malitsigisaanik containerinut qerititsiviusunut innaallagissamut attavilerfissaannik 1,5 mio. koruunit nalingannut pitsanngorsaavigineqarluni. Tamat kommunimit akilerneqarpoq. Talittarfik kilisaatinit, takornariartaatinit, Illersornissaqaarfimmit, ESANI il.il. atorneqarpoq. Aserfallatsaaliuineq aningaasaliivigineqanngippat talittarfimmut aningaasaliineq kivisinneqassaaq. Taamaalilluni aserfallatsaaliineq aamma Paaraarsummi nunniorneq imminut akilersinnaavoq, talittarfik atuisunit assigiinngitsunit atorneqarnermigut illoqarfiup inuussutisarsiortuinut aningaasaqarnermi annertunerusumik kaaviiartitsisinnaalluni.

Aningaasaqarnikkut allaffissornikkullu kingunerisinnaasai

Sisimiuni namminersortut imarsiornermillu inuussutissarsiuteqartut aamma kommunip aningaasaqarnikkut isaatitsinerat pitsanngorsassappat, kommunip talittarfiata iluarsartuullugu pitsanngorsarneqarnissaa Paaraarsullu nunniornissaa pisariaqarpoq.

Aserfallatsaaliinissamut pisariaqartitat	Aningaasartuutissatut ilimagisat
Anoderinik 453-nik ikkussuineq	5.600.000kr.
Cementimik qalliineq 7.000 m ²	6.900.000 kr.
Oqartussaqaarfissaq	10.000.000 kr.
Paaraarsummi nunniorneq	2.500.000kr.
Katillugit	25.000.000 kr.

Siusinnerusukkat Kommunalbestyrelsip umiarsualiveqarnermut selskabimik, talittarfiup ingerlanneqarneranik tigungminnittussamik pilersitsisoqarnissaa eqqartornikuuaat. Siunissami qaninnermi umiarsualiveqarnermut selskabi piviusunngorsinnaanngilaq, piffissami matumani Namminersorlutik Oqartussat kommunini umiarsualiveqarnermut selskabinik pilersitsinissamut inatsisinik tunuliaquteqanngimmata. Allaffeqarfik SIKUKI-mut akigititanik assingusumik

Teknikkeqarnermut Ataatsimiisitaliap ileqquusumik ataatsimiinnera UT 04.24, 08 maji 2024 - imaqarniliaq

talittarfimmuk akigititassanik Naalakkersuisunut akuerisassanngorlugu suliaqarput. Taamaalilluni kommuni siunissami talittarfiup aserfallatsaalinnissaanut isertitaqalissaaq. 2022-mi umiarsuit talittut naapertorallarlugit kisitsisit takutippaat, kommuni aserfallatsaaliinissamut atorsinnaasanik ukiumut 2,5 mio. koruuninik isertitsisinnaasoq. Kommunalbestyrelsip kingusinnerusukkut talittarfimmik ingerlatsineq aamma akigititat suliarissavai/aalajangiiffigissavai.

KPT50 sanaartorfissagissaanissamut atugassat, nalunnguarfiup kujataatungaani projekt 500388-miittut kommunip talittarfiata iluarsartuunnissaanut pitsanngorsarnissaanullu suliniutitut nutaatut nuunneqassasut siunnersuutigineqarpoq.

Immikkoortorta q	Siunertaq	Art	Sumiiffik	Suliniumi gruppe	Suliniuti p nr.	Allaaserinera	Tapiliussa q 2024	Nutaamik aningaasaliine q
562040600	0701030000	322140765	010580	1-18-18	500288	KPT50 sanaartorfissagissaaneq, nalunnguarfiup kujataatungaani immikkoortorta	-25000000	
562040600	0902010000	322140765	010580	1-28-11	nutaaq	Kommunip talittarfianik iluarsartuussineq	12500000	12500000
562040600	0902010000	322140765	010580	1-28-11	nutaaq	Oqartussaqaarfissaq	10000000	10000000
562040600	0902010000	322140765	010580	1-28-11	nutaaq	Paaraarsummi nunniorneq	2500000	2500000
						KATILLUGIT	0	

Allaffeqarfiup naliliinera

Kommunip talittarfia Sisimiuni inuussutissarsiortunut kommunimullu pingaarutilimmik inissisimalersimavoq. Tamannalu kommunip siusinnerusukkut 58 mio. koruuninik aningaasaliiffigisimavaa. Kommunillu talittarfia aserfallatsaaliniarlugu aammalu kilisaatinik annernik tiguisinnaaqullugu, zinkanoderinik ikkussiffiginissaa, oqartussaqaarfimmik illoqalernissaa, ilitsiviullu qallerneqarnissaa pisariaqarpoq. Umiarsualiveqarfiup ineriartortinneqarnissaa allaffeqarfiup suliani pingaartitaasa ilagaat.

Allatseqarfiup suliaqarnermini naliliinera aallaavigalugu, umiarsualiveqarfiup atorneqartuannarnissaa ineriartortinneqarnissaalu, KPT 50-imi nunagissaanermut pingaarnerusutut isigineqarpoq, tassami suli Akiani arlalissuarnik nunagissakkanik sanaartorfissaqarmat. Allatseqarfiup innersuussutigaa, una oqaluuserisassaq Kommunip pilersaarusiortifigineqarnerata tapiliussaanut nr. 50-imut unititsinermik innersuummut atassuserneqassasoq, aningaasallu immikkoortinneqareersimasut Kommunip pilersaarusiortifigineranut tapiliussamut siunnersuummut 83-imut *Sisimiuni umiarsualiveqarfiup qiterisaqarfia*-ta piviusunngortinniarnissaanut atorneqassasut.

Innersuussut

Allaffeqarfiup Teknikkimut Ataatsimiisitaliamut, Aningaasaqarnermut ataatsimiisitaliamut, Kommunalbestyrelsemullu innersuussutigaa:

- KPT50 Sanaartorfissagissaanissamut atugassat 25026000 koruunit, nalunnguarfiup kujataatungaani suliniut 500388-miittut kommunip talittarfiata iluarsartuunnissaanut pitsanngorsarnissaanullu nuunneqassasut.

Aaliangiineq

Teknikkeqarnermut Ataatsimiisitaliap ileqquusumik ataatsimiinnera UT 04.24, 08 maji 2024 -
imaqarniliaq

Akuersissutigineqarpoq

Ilanngussaq: **Soqanngilaq.**

Teknikkeqarnermut Ataatsimiisitaliap ileqquusumik ataatsimiinnera UT 04.24, 08 maji 2024 - Imaqarniliaq

Imm. 3.4 Nunaqarfinni aqqusinernik pitsannorsaaneq

Journalnr. XX.XX

Tunuliaqutaq

Nunaqarfinni aqqusinernik pitsannorsaaneq, *Suliniut 500406 Asfalterut - Nunaqarfiit*, ukiumut 1 mio. koruuninik aningaasartalerlugit, *KB 07-2023-mi* missingersuutunik suliaqarnermini 2024-mit 2027 tungaanut Kommunalbestyrelsi katillugit 4 mio. koruuninik immikkoortitsivoq.

Suliniut 500141 - Aqqusinermi pissutsit - ataatsimoorussamut ukiumut aningaasaliissutitut 2 mio. immikkoortinneqartarput, Kangerlussuarmi sermersuup tungaanut aqqusinernik umiarsualivimmullu aqqusinernik aserfallatsaaliinissamut atorreqartartussatut.

Atammimmi aqqusinernik suliniut 500136 pitsannorsaaneq 1,4 mio. koruuninik immikkoortitsisoqarnikuvoq.

Maleruagassatigut tunngavissaq

Qeqqata Kommunianut karseqarnermut naatsorsuuserinermullu najoqqutassiaq.

Pissutsit atuuttut

Qeqqata Kommunian illoqarfinni nunaqarfinnilu aqqusinernik tamanit atugassianik aserfallatsaaliillunilu ingerlatsisuvuq.

Qeqqata Kommunian nunaqarfinnut arfiniliusunut aqqusinernik ingerlatsinermut aserfallatsaaliinermullu katillugit 754 t. koruuninik immikkoortitsisoqarnikuvoq. Ingerlatsinermi missingersuutit aqqusinernik aputaajaasarnermut, siorarterisarnermut annikitsunillu iluarsaassinermut naammattarput.

Kangerlussuarmi ingerlaarfiit ataasiakkaat minillugit nunaqarfinni aqquserngit asfaltigaanngillat. Ingerlaarfiit amerlanersaat qalliutinik, kussinernik aqquserngullu ataani kuuffissianik amigaateqarput. Kuutsitsiveqannginnerata aqquserngit ujaraaraasut ajornanngitsumik imermik kuugussaasarput aammalu ujaraaqqanik atortussianit ukiumoortumik immerneqartarnissaannik pisariaqartitsipput.

Nunaqarfinni aqquserngit qanoq issusaat eqqarsaatigalugit, maannakkut (Sarfannuani, Atammimmi, Kangaamiuni, Itillimi Napasumilu) nunaqarfinni aqqusinernik asfalterisinnaaneq periarfissaanngilaq, aqquserngit pisariaqartumik qalliateqanngimmata, aqquserngup ataatigut kuuffeqanngimmata kuussineqaratillu. Ujaraaqqat ajornanngitsunnguamik kuugussaanninniassammata, 2023-mi Kangaamiuni asfaltimik piiagaanikumik qalliuserluni misileraasoqarnikuvoq. Misililineq siunertarisaq malillugu iluatsippoq nunaqarfinnilu allani atoqqinneqarsinnaalluarpoq.

Aqquserngit pitsannorsarneqarsinnaassappata nunaqarfinnut pingaarnertut atorreqarsinnaasumik maskinamik pisariaqartitsisoqarpoq. Aqqusinernik suliaqarnerata Maniitsumi/Sisimiuni entreprenøreqarfinnik nunaqarfinnilu aqqusinilerisunik suleqateqarluni suliarineqarsinnaavoq.

Aningaasat 1 mio. koruunit immikkoortinneqartut atorlugit 2024-mi tullinnguuttut pisarineqarsinnaapput:

- Assaassut Hitachi hydrauliskiusumik oliehammeritalik zx 55-u, 5 tons, nivaattat issorsuutit, kivitsissut.
- Manngersaat tigummiartagaq imaluunniit sajukuluttartoq.

2025-mit 2027-mut siammartiterutinik mikisunik pisisinnaaneq eqqarsaatersuutigineqarsinnaavoq.

Teknikkeqarnermut Ataatsimiisitaliap ileqquusumik ataatsimiinnera UT 04.24, 08 maji 2024 -
Imaqarniliaq

Atuilluartuunissakkut kingunerisinnaasai

Aqqusinernik, ikaartarfinnik iliveqarfinnullu ingerlaavartumik aserfallatsaaliisarneq
atuilluartuuneruvoq.

Aningaasaqarnikkut allaffissornikkullu kingunerisinnaasai

Ingerlatsinerup ataani aningaasaliissutinit pioreersunik suliaqarnermi mandetiimit.
Sullinneqarneq vægtafgiftilu ingerlatsinerup ataani akilerneqassaaq.

Atortut assartorneqarneralu ilanngullugit assaassummik pisinissamut 850.000 koruuninik
neqerooruteqartoqarnikuuvoq.

Allaffeqarfiup naliliinera

Allaffeqarfiup nalilerpaa, maskiinat atugassaannerusut soorlu assaassut atortussailu, manngersaatit
aamma sajukuluttartoq 2024-mi pisiarineqassasut taamaalilluni 2024-mi nunaqarfinni aqqusinernik
iluarsartuussinerit aallartinneqarsinnaaniassammata. Allaffeqarfiup nalilerpaa, 2024-mi suliasat
Kangaamiuni ingerlanneqarsinnaasut, taamaalilluni ukioq manna asfaltimik aserortikkamik
aqqusinernik suliaqarnerit uteqqinneqarlutik iliveqarfimmilu ujaqqat angisuut piarneqarlutik.

2025-mi Sarfannguani aqqusinerni aqquserngup ataani kuuffinnik kussinernillu
pilersitsisoqarsinnaavoq, taamaalilluni aqquserngit kuugussaasarnerat
annikinnerpaaffianiitinneqassallutik.

Innersuussut

Teknikkimut Avatangiisinullu immikkoortortaqarfiup Teknikkimut Avatangiisinullu
ataatsimiititaliamit akuereqqullugu innersuussutigaa,

2024-mi 1 mio. koruuninik aningaasaliissutaasoq assaassummik atortussaanillu pisinissamut
atorneqassasut.

Aalajangiineq

Akuersissutigineqarpoq

Ilanngussaq

Imm. 4.1 Kommuni takornarissanut illuaraataanik illuaqqanillu piniariartarfiutaanik atuinissamut malittarisassat nutarterneqarnerat

Journalnr. XX.XX

Tunuliaqutaq

2020-mi apriliip 30-anni Kommunalbestyrelse 02/2020-mik nalinginnaasumik ataatsimiinnermini aalajangiivoq, kommunip takornarissanut illuaraataanik illuaqqanillu piniariartarfinnik illuaraataanik atuisarnermut malittarisassat nutartissasut aammalu suliaq Teknikkeqarnermut ataatsimiititaliamit suliarineqassasoq.

Maleruagassatigut tunngavissaq

- Sisimiut Kommuniata takornarissanut illuaraataanut malittarisassat, 2006
- Sisimiut Kommuniata illuaqqanut piniariartarfiutaanut malittarisassat, 2004
- Kommuninut piginnaatitsissummi malittarisassat

Pissutsit atuuttut

Kommuni illuaraataanut siunertaq tassaavoq, tamanit atorneqarnissaminut piareersimasarnissaat. 2024-mi apriliip tallimaanni kommunip illuaraataanut marlunnut kingullermi nakkutilliarternemi paasineqarpoq, inuusuttunut paaqqinnittarfik ataaseq atajuarnerusumik illuaqqanik atuinerusoq. Tamanna atuisunit allanit atuinissamut ajornakusoortitsivoq.

Illuaqqat tamanit atorneqarsinnaaneri aammalu illuaqqat paaqqinniffinnit ulluinnarni taamaallaat atorneqarsinnaaneri ersarissarniarlugit, maleruagassat nutarterneqarput. Ilutigittillugu paaqqinnittarfik pineqartoq kiisalu Namminersorlutik Oqartussat nakkutilliisoqarfii tamatuminnnga allaffeqarfimmit paasissutissinneqarput.

Atuilluartuunissakkut kingunerisinnaasai

Atugassanngortitat kommunimit atugassanngortinneqartut siunertamut atorneqarnissaat atuilluartuuneruvoq.

Aningaasaqarnikkut allaffissornikkullu kingunerisinnaasai

Suliniut aningaasaqarnikkut kingunissaqanngitsutut nalilerneqarpoq.

Allaffeqarfiup naliliinera

Allaffeqarfiup naliliinerivaa, malittarisassanik nutarterinikkut kommunip illuaraataanik inissiisarfiit piffissami sivisuumi atuisartussaanninnerminnik eqqummaarinninnerulissasut.

Innersuussut

Teknikkeqarnermut Avatangiisinullu immikkoortortap Teknikkeqarnermut ataatsimiititaliamut, Aningaasaqarnermut ataatsimiititaliamut, Kommunalbestyrelsemullu innersuussutigaa

malittarisassat ilanngunneqartut akuersissutigineqassasut atsiorneqarlutillu.

Aalajangiineq

Allaffeqarfimmut uterteqqinneqarpoq. Ulloq unnuarlu angerlarsimaffiit illuaqqanik atuinissaannik inerteqquteqarfigineqarsinnaanersut misissoqqaarneqassaaq.

Ilanngussaq

- Ilanngussaq 1: Qeqqata Kommuniani takornarissanut illuaqqanik illuaqqanillu piniariartarfinnik atuinissamut malittarisassat.

Imm. 4.2 Maniitsumi eqqaaviit.

Journal nr. XX.XX.XX

Tunuliaqutaq

Teknikkimut ataatsimiititaliami ilaasortaq Karl Lyberth allakkatigut ulloq 6. april 2024 oqaluuserisassanngortitsivoq.

” Maniitsumi eqqaaviit assigiinngitsut kommunip akisussaaffii, soorlu aqquusernit sinaanni eqqaavippassuit, kalaalimineerniarfiup silataani neqit allallu eqqakkat, motoorit uuliakuinut eqqaaviit, talittarfinni eqqaaviit assigiinngitsut (kiap taakku akisussaaffiginerpai?), allallu eqqakkat maaniinnarmiittut, ukiorpassuannngortuni maani illoqarfimmi annertuumik ajornartorsiutaajuarsimapput.

Eqqaaviit pineqartut piffissami sivisoorujussuarmi, ilaanni sapaatip akunnerini arlaliusinnaasuni, isumagineqarneq ajorput. Aqquusernit sinaanni eqqaaviit ulikkaaqqasut, imaluunniit aseqqukut, ullorpassuarni suneqassanatik uninngaannartut, uuliakoorfiit ulikkaartooqqasut soqutigineqanngitsut, kalaalimineerniarfiup silataani neqerpassuit, orsorpassuit, aalisakkallumi ullorpassuarni tujorminangaarlutik uninngaannartut, ajoraluartumik Maniitsumi ulluinnarsiutigilernikuuagut.

Kiaaku isumagisassarigai? Kinaana, kikkunuku akisussaasut? Sooruna illoqarfimmut taamatut annertutigisumik tujorminarsaatigisut iliuuseqarfineqarneq ajortut? Suna pissutaava? Kommunalbestyrelsip immikkoortumut tassunga aningaasat immikkoortittakkavut ikippallaarpat? Immikkoortortami pineqartumi suleriaaseq allanngortittariaqarpa? Imaluunniit qanoq iliussanerpugut?

Neriuppunga aaqqiissutissamik ikioqatigiilluta nassaarsinnaassasugut.”

Maleruagassatigut tunngavissat

- Avatangisut innarlitsaaliorneqarnissaanik Inatsisartut inatsisaat nr. 9, 22. november 2011-meersoq.
- Eqqakkat pillugit Namminersorlutik Oqartussat nalunaarutaat nr. 3, 7. januar 2021-meersoq
- Kommunit eqqagassalerinermut pilersaarusiornissaannut Namminersorlutik Oqartussanit ilitsersuut 2022-meersoq

Pissutsit atuuttut

Eqqakkat Kommunep suliarstagai oqaluuserisassanngortitsinermi allaaserineqartut immikkoortunut pingasunut agguarlugit inissineqarsinnaapput ukununnga:

1. Eqqaaviit aqquusernup saani stativ-ini inissisimasut
2. Eqqakkat angisuut inissiat eqqaanni miljøkure-inut iginneqartartut
3. Puiserpassuit kalaalimernillu allat kalaalimineerniarfiup saanut eqqaannarneqartartut

Illoqarfimmi eqqaavit aqquusernup saaniittut katillugit 83-iupput miljøkure-llu 10-iullutik taakku tamarmik kommunep aqqusinilerisunit nakkutigineqarput imaarneqartarlutillu. Eqqaaviit imaarneqartartut saniatigut innuttaasut igitassanik angisuunik aqquusernup sinaanut inissiisarput aqqusinilerisunit aaneqartussaasartunik.



Miljøskur-it A/S ini-mit ingerlannearsimasut kommunemut akisussaaffigilerneqarput ukioq 2021.
Motoorit uuliakuinik kueraaviit umiarsualiviup aqqutaaniittut RAL-ikkunnit ingerlanneqarput.

Ukiuunerani upernaakkullu puiserpassuit amiiginnakkat kalaalimineerniarfiup saanut qaleriiaaginnarneqalertarput, amerlilluinnaraangamik ulluinnarmut qaleriiaarneqarsinnaasarlutik. Kommune puisinik igitsiartortarnissamut ajornannginnerulersitsiniarluni aaqqissutissanik assigiinngitsunik misileraasimagaluarpoq iluatsinngitsumilli. Puisit amii Great Greenland-ip amminik tigooraasuanut piniartunit tunineqareeraangat neqaa tunineqarsinnaanngikkaangat igiinnarneqartarpoq. Tamanna pillugu Great Greenland Kommunemiit saaffigineqarnikuvoq, allannguisoqarnissaanilli pilersaaruteqartoqanngitsoq akissummi takuneqarsinnaavoq. (Takuuk bilag 1.)

Illoqarfimmi eqqaaviit imaarneqartarnerat aqqusinilerisunit ingerlanneqartarpoq. Piffissalli ilaanni pingaartumik ukiuunerani apisaqattaartalertillugu eqqaavinnik imaarsisarneq ajoraluartumik piffissami sivitsorsinnaasartumi angummaffigineqarsinnaajunnaartarpoq assigiinngitsunik pissuteqartumik, soorlu aqqusinermik-, majuartarfinnik-, ikuallattoqarnissaanut imermut ikkussiffissanik-, meeqqueriviit aqqutaannik,- utoqqaat innarluutillillu nivassunneqartartut sullinnerinik assigisaanillu nivannermik, ilaannilu sulisut ikippallaarnerinik pissuteqartumik. Aqqusinilerisut angummassinnaajunnaaraangamik eqqaaviit katersorneqarnissaat suliffeqarfinnut namminersortunut suliakkiutigisarpaat. Kisianni aamma suliffeqarfiit namminersortut eqqaavinnik katersinnaasut taakkuupput ukiuunerani illoqarfimmi aqqusinernik aputaajaasartut taamaattumillu apisaqattaarnerani aamma eqqaavinnik suliaqarnissartik ingerlaannartumik piffissaqarfingineq ajorpaat eqqaavilerissutigisagaat qalutaassuit qalutaateeqqallu aputaajaanermut atorneqartarmata.

Atuilluartuunissakkut kingunerisinnaasai

Eqqakkanik pitsaasumik passussineq eqqiluisaarnermut avatangiisunullu atuilluartuuneruvoq. Eqqakkanut maleruagassat eqqagassalerinermut pilersaarut peqatigalugu tamatumingga qulakkeerinnissapput.

Aningaasaqarnikkut allaffissornikkullu kingunerisinnaasai

Eqqiluisaarnermut/renholdelsemut ukiumut immikkoortinneqartut atorlugit illoqarfimmi aqqusernup saaniittunik eqqaavilerineq ingerlanneqarpoq. Eqqaaviit suliffeqarfinnut namminersortunut suliariumannittussarsiuussinikkut suliasanngortinneqassappata Kommunep aningaasartuutiginerusalissavaa qanoq annertutiginnissamik ullumikkut ilisimaneqanngitsumik. Taamatut aaliangertoqassappat suliasamat neqeroortitsinissamut allaffeqarfik suliaqaqqaassaaq neqeroorutinillu tigusaqartoqareerpat saqqummiussisinnaassalluni.

Allaffeqarfiup naliliinera

Allaffeqarfiup ilisimavaa ukiuunerani upernaakkullu eqqaavinnik imaajaasarneq aqqusinilerisunit ingerlanneqarniartarnera ajornakusoorsisartoq aqqusernit aqqutillu allat ammatinniarneri aputaajarneri sermiarnerilu pingaarnerutillugit siulliunneqartariaqalertarmata. Eqqaavinnik imaajaasarnerup namminersortunut neqeroortitsinikkut suliariumannittussarsiuunneqarnissaa imaajaasarnermut aalaakkaanerulersinnaaneranik kinguneqarsinnaasoq allaffeqarfik naliliivoq. Puiserpassuarnilli piiasarneq aqqusernit aputaajarneqartarneraniik kingulliunneqartarsinnaanissaa naatsorsuutigisariaqarpoq aputaajaatit qalutaassuit qalutaateeqqallu puisinik piiaanerit atorneqartarmata.

Allaffeqarfik naliliivoq puiserpassuit eqqaannarneqartartut pillugit ataatsimiititaliaq APNA aqqutigalugu Great Greenland aamma Namminersorlutik Oqartussat saaffigineqaqqittariaqartut ammit tunineqartillugit neqerpassuarnik eqqaaginnartarneq atuilluartuunerunngitsaq eqqaaveqarnikkullu ajornartorsiutinik pilersitsisarmat iluarsivigineqartariaqarlunnarmat.

Innersuussut

Teknikkeqarnermut ataatsimiititaliamut innersuussutigineqarpoq:

- Oqaluuserisassatut nassiussaq oqaluuserineqassasoq.

Aalajangiineq

1. Aqqusinilerisut ittuat Sisimiuniit Maniitsuliassaaq, misilittakkanik avitseqatigiinnissaq anguniarlugu. Illoqarfiup iluani saligaatsuutitsiineq iluarsineqanngippat, eqqaaveeralerineq namminersortunut tunniunneqassaaq.
2. Pilattarfimmik MUAPP aamma MAPP suleqatigalugu pilersitsinissaq suliniutigineqassaaq. Kalaalimineerniarfimmi puttasunilu pilanneq inerteqqutigineqarnissaa anguniarneqassaaq.

Ilanngussat

1. Karl Lyberth-ip oqaluuserisassatut nassiussaa.
2. Great Greenland-imut kommunep saaffiginnissutaa
3. Naalakkersuisoqarfimmut kommunep saaffiginnissutaa

Teknikkeqarnermut Ataatsimiisitaliap ileqquusumik ataatsimiinnera UT 04.24, 08 maji 2024 - imaqarniliaq

Imm. 6.1 Maniitsumi Atuarfik Kilaaseeqqamik nutarsaanermut 2024-mi maajimi killiffimmut paasissutissiissut.

Journal nr. B-33, suliniut 500032.

Tunuliaqutaq

Maniitsumi Atuarfik Kilaaseeqqamik nutarsaanermut Teknikkeqarnermut ataatsimiititaliaq aamma Ilinniartitaanermut ataatsimiititaliaq aqutsisoqatigiupput. Kommunalbestyrelsip 26.10.2023 ataatsimiinnerani malitsigisaanillu Kommunalbestyrelsip 23.11.2023 ataatsimiinnerani TA 14.8.2023-mi akuersissutaanikuusumut atugassatut siunnersuummut naapertuuttumik nutarsaanerup annertussusaata annertusineqarnissaa akuersissutigineqarpoq. Atuarfimmik nutarsaanermut missingersuutitut sinaakutissaq nutaaq 2024-mit 27-mut sanaartornermut missingersuutitut atatillugu kommunalbestyrelsip 23.11.2023-mi ataatsimiinnermini akuersissutigivaa. Siunnersortip suliaa nutarsaanerup annertusinissaanut atatillugu aamma annertusineqarpoq. Una aqutsisoqatigiinnut paasissutissiineruvoq taakkulu oqaaseqaateqarnissaannut 2024-mi maajimi killiffimmut nassuiaataalluni.

Maleruagassatigut tunngavissaq

Karseqarnermut naatsorsuuserinermullu malittarisassat. TA sanaartornermut immikkoortumut akisussaasuvoq, IA-lu ilinniartitaanermut immikkoortumut akisussaasuulluni, Namminersorlutik Oqartussaniillu ataatsimut tapiissuteqarnikkut, atuarfimmik nutarterinissat kommunimut tunniunneqarluni.

Pissutsit atuuttut

Atuarfimmik sanaartornermi ataatsimiititaliaq aallarnerneqarpoq, atuarfiup allaffeqarfia pilersarusiornermi aalajangiisarnerni suli peqataatinneqartarpoq, sulisut attuumassuteqartut attavigineqartarput siunnersuutiminnillu tunniussaqaqartarlutik.

TAI suliniutitut atortussanik ataavartumik nassinneqartarpoq, ilaatigullu titartakkat allagaatillu qimerluuallaarneqartarput iluarsissutissallu ataavartumik suliarineqartarlutik. Suliap ingerlannissaanut periusissiaq ilanngunneqarpoq, matumani atuarfiup immikkoortui atuartsinermut atugassat sapinngisamik sukkanerpaamik atuutilersinneqarnissaat eqqarsaatigalugit.

Neqeroortitsinermi piffissaliussamat ullut nutaat: Neqeroortitsissutigineqartup sanaartortitsisumut qimerluuallaagassanngorlugu tunniunneqarnissaa 14. juuni 2024. Aviisnut ilanngutassiineq 2024-mi juulip aallartinnerani. Suliariumannittussarsiuussinermi ulloq 23. agusti 2024, neqerooruteqartitsinissamat innersuussuteqarneq ulloq 29. agusti 2024.

Illup iluata silaannaata misissuiffigineqarnera, misissuisuuvoq: Masanti sinnerlugu DGE (ilanngussaq 1 & 2), misissuinerullu takutippaa illumi oquk ersiinnartuusooq, aamma oquk annikitsumik silaannakkut ingerlaartuusooq, aamma oquit ilaat inunnit sapigaqartunit qisuariarfigineqartartunik nassaarineqarput. Oquk ersinngitsumik alliaartorsinnaanera ilimanaateqarsinnaasooq takussutissaqarpoq, assersuutigalugu naqqini, igalaat iluini, naqqup ataani.

Naqqup ataani isugutannerujussua kiisalu qaat isugutalerujussuarsimani pissutaallutik ataaninnaanniit pilierartorneranik takussutissiivoq, assersuutigalugu immap ulittarneraniit aamma/imaluunniit naqqaniit isugutattarneraniit pilerssarluni.

Teknikkeqarnermut Ataatsimiisitaliap ileqquusumik ataatsimiinnera UT 04.24, 08 maji 2024 -
imaqarniliaq

Naqqit sinaanni listini isugutaqarpallaalersimanera, qisuit iluatungaaniittut allat, assersuutigalugu
qaliarpaani imaluunniit naqqinit portunerusuni qisunni takussutissaqarpoq
isugutaqarpallaalersimasoq.

Isugutaqarpallaartutut nassaarfigineqartuni nalinginnaasumik iikkat ilaanni assersuutigalugu
naqqinit 0-20 cm-imik portunerusumiipput.

Atuilluartuunissakkut kingunerisinnaasai

Atuarfimmi sulisunut atuartunullu pitsaasumik sulinermi avatangiisinik kommuni pilersitsippat
atuilluartuunerussaqaq.

Aningaasaqarnikkut allaffissornikkullu kingunerisinnaasai

Suliniutigisassatut siunnersuutaasut nutaat tamarmik pilersaarusionermit ilanngunneqarput,
aamma atuarfiup tamarmi nutarsarnissaanut isumaliutissatut ilanngunneqassapput.

Teknikkeqarnermut Avatangiisinullu ingerlatsiviup kiisalu ilinniartitaanermit ingerlatsiviup
innersuussutaat

Allaffeqarfiup Teknikkeqarnermut ataatsimiititaliamut aammalu Ilinniartitaanermit
ataatsimiititaliamut innersuussutigaa:

Ilisimatitsissut tusaatitiguneqassasoq

Aalajangiineq:

Akuersissutigineqarpoq

Ilanngussaqaq: